

Madwara ruil dalk sakekamer vir stadsaal

Odette Kemp

PORT ELIZABETH. – Die uittrede president van die Nelson Mandelabaai-sakekamer het gisteraand bevestig dat hy genader is om die Baai se burgemeester, Ben Fihla, te vervang.



Mandla Madwara het op die organisasie se jaarvergadering gesê hy “wil nie ’n veldtog begin om gekies te word nie”.

Mandla Madwara “Tog toon die regering se belangstelling in my as burgemeesterskandidaat hul vertroue in die sakekamer se werk. Ek oorweeg dit wel om dié pos te aanvaar ter wille van die stad, want dit is ’n uitstekende geleentheid om die stad se toekoms te beïnvloed en ’n gedaantewisseling mee te bring.”

Madwara sal aan die einde van die maand uittree as sakekamer-president, nadat sy opvolger op 28 Mei tydens ’n raadsvergadering verkies sal word. Twee nuwe adjunkpresidente en die tesourier sal ook op dié vergadering aangewys word.

Kevin Hustler, uitvoerende hoof van die sakekamer, het Madwara voorspoed toegewens.

Nuwe raad:

Altesaam 13 lede is gisteraand tot die Nelson Mandelabaai-sakekamer se raad

verkies. Hulle is:

Carol Hall, bestuurder:

oostelike streek vir Vodacom;

Rocco Joubert, streeksdirekteur vir First National Bank;

Philip Nieman, besturende

direkteur van Coca-Cola

Fortune; Michael Brockman,

senior bestuurder van Telkom;

Vuyokazi Lekhelebana,

uitvoerende konsulerende

sielkundige van Work Dyna-

mics; Sakumzi Macozoma,

raadslid van Volkswagen

Suid-Afrika; Simoné Mao-

Cheia, direkteur van PKF Port

Elizabeth; Cumeschan Moodliar,

streekshoof vir Investec; dr.

Andrew Muir, uitvoerende hoof

van die Wildernisstigting; Ian

Nicholls, besturende direkteur

van General Motors in Afrika

suid van die Sahara; dr. Gary

Paul, uitvoerende direkteur van

menslike hulpbronne by die

NMMU; Thomas Schaefer,

besturende direkteur van

Volkswagen Suid-Afrika; en dr.

Pierre Voges, uitvoerende hoof

van die Mandelabaai-ontwik-

kelingsagentskap (MBDA).